

Hõimupäev

7590 Kaadsi tull' õks sis üleest kõkõ inne,
kosilanõ kuu valul.
Näile tõi õks sis viina suu mõskõ^q,
ollõ unõ virotõlla^q.
Kaadsi läts õks sis tarrõ ne naard',
7595 ambarehe, ai jutto:
Kaadsi õks sis hõigas' suurt hõimo,
kosilanõ kull'a hõimo.
Inne õks tä and' lauljille,
priske ilo pidäjille.
7600 Kaadsi õks and', eis kadsat',
kosilanõ kuulut' sõnno:
"Täämbä õks vil tulõ ilopäiv,
naasekõisil nal'apäiv,
täämbä õks ti käut käpikõlla,
7605 täämbä olõt urvikõlla!"
Kaadsi and' õks sis kõõlõ hõimulõ,
otsõ nulgast kõik umadsõ^q.
Sis sai õks näil hummal huulõ pääle,
kesväleemi keele pääle.
7610 Nakas' õks sis hummal hukutamma,
kesväleemi kiputamma.
Sis naksi^q õks nää^q kokko korjamma,
umma punga puistamma:
sis lasi^q õks nää^q sato lavva pääle,
7615 tuhanit tooli pääle,
sis tõiva^q õks vil viina vii võrra,
tõiva^q olut uja võrra.
Mito õks nää^q korve olut osti^q,
mar'a mõtu magusat.

7620 Kagoh sis õks vil naase^q nal'atõlli^q,
ilosahe ilotõlli^q!
Kolm õks nää^q päivä kul'atõlli^q,
viis päivä veerätelli^q:
kolka käve^q õks nää^q piti kul'atõh,
7625 viirt piti veeräteh,
kõrdsi lätsi^q õks nää^q mano, poodi mano.
Kagoh sai õks sis kolgalõ kõnõlda^q,
veerele veerätellä^q,
tugõvahe õks et kul'at Toomõ hõim,
7630 kulla häste korgõ hõim.
Õga- läts õks sis -üts umma kodo,
virve ummilõ velile.
Ime pand' õks sis kotte kostivatska,
and pehmet piirakot,
7635 Taadsi pand' õks jal vüü koti suuhtõ,
pand' pareba palmigo.
Kõik õks sis jäti^q tervest,
anni^q käe kärmähe:
"Eläge^q õks siin paar ilosahe,
7640 laulatõdu^q lahehehe,
sis naka õks teid turuh tunnistamma,
alõvoh arvamma!"
Sis läts õks ar kuust kutsutav,
läts hõim hõõlast,
7645 liina- lätsi^q ka õks -vele^q viisi poodi,
kudr'ahiusõ^q kuusi poodi.
Sis jäi õks näil pereh peen'okõnõ,
kullakõise kolmõkese.